

INUIT ATAQATIGIIT

INATSISARTUNI



Nuuk 13. januar 2015

Inatsisartut suleriaasianni §37 naapertorlugu meeqqat angerlarsimaffiup avataanut inissineqartartut pillugit Naalakkersuisunut imatut apeqquteqarpunga.

(Inatsisartunut ilaasortaqa Aaja Chemnitz Larsen, Inuit Ataqtigiit)

Apeqqut:

- 1) Meeqqat angerlarsimaffiup avataanut inissineqarsimasut qanoq amerlatigisut katsorsarneqarnissamik neqeroorfigineqartarpat?
Kissaatigineqarpoq katsorsaanerit suunersut allaaserineqassasut kiisalu ulloq unnuarlu inissiivinni angajoqqaarsianut inissineqarsimasut qanoq agguataarsimani?
- 2) Meeqqanik inissiinerni qanoq amerlatigisuni angajoqqaanut katsorsaarnissamik neqeroortoqartarpa, meeqqalli taamatut neqeroorfigineqaratik?
- 3) Meeqqat inuusuttullu angerlarsimaffiup avataani inissineqarsimasut qanoq ittunik ikiorsiissutinik neqeroorfigineqartarpat, inissiinerup saniatigut.?
- 4) Naalakkersuisut sukumiisumik pilersaaruteqarpat meeqqat inuusuttullu angerlarsimaffiup avataani inissineqarsimasunut katsorsarneqarnissaannut neqeroorutit pitsanngorsarnissaannut?
- 5) Naalakkersuisut sunik aalajangersimasunik pilersaaruteqarpat meeqqat angerlarsimaffiup avataanut inissineqartartut katsorneqarnissaannik neqeroorfigineqartarnissaannik
- 6) Maannakkut oqartussat kikkut katsorsaanernut akiliisarpat? Namminersorlutik Oqartussaniit katsorsaanerit suut neqeroorutaappat kiisalu kommuninngaaniit qanoq annertutigisumik sunillu neqerooruteqartarpat? Naalakkersuisunit ilisimaneqarpat aningaasat qanoq amerlatigisut meeqqat katsorsarneqartarneranut atorineqartarnerisut?
- 7) Naalakkersuisut isumaqatiginerpaannga meeqqat angerlarsimaffiup avataanut inissineqartartut inuunerannut annertuumik sunniuteqarnera kiisalu angerlarsimaffiup avataanut inissineqannginnermi inissineqarnermilu katsorsarneqarnissaannut pisariaqartitsisoqartartoq, meeqqap qanoq inissi-imanerminik paasinninnissaanut

Tungavilersuutit:

Ilaqutariinni arlalissuarni, meeqqat angerlarsimaffiup avataanut inissineqarneranni, angajoqqaat kisimik ikiorneqarnissamik neqeroorfigineqartarput, assersuutigalugu angajoqqaatut ilinniarnissamik imaluunniit ilaqutariit højskolianni. Meeqqat inuusuttuaqqallu angerlarsimaffiup avataanut inissineqartartorpassuit iliusissanik pilersaaruseorfigineqarneq ajorput, taamaasillunilu sutigut ikiorserneqarnissamik pisinnaatitaafeqarnerat naammassineqassanani.

Meeqqanut katsorsaaviusartuni, meeqqat inissineqartut katsorsarneqarnissamik neqeroorfigineqarfigisinnaasaanni, inissat killeqarput. Meerarpassuit sumiginnagaanertik, kinguaassiuutitigut atornerlunneqarnertik, persuttarneqartarnertik allatiguluunniit pisoqarneratigut angerlarsimaffiup avataanut inissineqartarput. Taamatut inissineqarneq ilarpassuinut immi misigisaasinnaasarpog tujorminartoq qaangeruminaatsorujussuaq. Taamaammatt paaserusunnarpoq meeqqat inuusuttuaqqallu angerlarsimaffiup avataanut inissineqartartut qassit ikiorserneqarnissamik neqeroorfigineqartarnerisut.

Apeqquiti ullut qulit qaangiutsinnagit akeqquneqarput.